

قانونو قبول ائتميرلر

ايسلامي شورا مجلسي نين نوماينده لرندن بيړي، ريفاه وزيري نين توضيحي نين جوابيندا دئدي: او كسلر كي دئيرلر ايراندا يوخسوللوق خطي نين تعريف يوخدي مسؤليت يوكوندن بويون قاچيرتلاق ايستيرلر و قانونو قبول ائتميرلر. محمد رضا خباز ميلت ائوي خبرگوزاريسينا دئدي: ريفاه و تأمين ايجتماعي ويزارتي يوخسوللوق خطي نين تعريفله مك مسؤلودور و جواب وئرمكدن قاچماق اوچون مسئله نين اوزون سيلير.

مجلسن ايقتصادي كومسيونونون عضوي ريفاه وزيريندن سوروشدوغو سوآلا ايشاره ائله ماغيانان دئدي: بنده نين وزيردن سوروشدوغوم سوآلين موضوعسي همين يوخسوللوق خطي نين باره سينده دير كي گرگ گليب مجلسين صحنينده جواب وئره له كي نيه ايمداد كوميته سي و بهزيستي نين حيمايه سينده اولانلارين حقلين رعايت ائله مه ييبلر. بونلار يوخسوللوق خطي نين نه قدر فاصيله لري وار؟ اگر جواب وئرسه لر دئيرلر: يوخسوللوق خطي تعريف اولماييب، سوروشاروق : ياخجي نيه تعريف ائله مه ميسيز؟
خطر خطي

دونيانين باشا باشيندا يوخسوللوق خطيني تعيين ائتمك اوچون جماعاتين نئجه ياشماغيندا تأثيري اولان كودلاردان ايستيفاده اولور؛ او جومله دن يوخسوللوق خطلري كي گونده ليك بير دولار يا 1.5 دولاردان آز، گلير صاحبي اولانلار تا او يوخسوللوق خطلري كي گونده 2 مين كالوري تأمين ائله مك اساسيندا موشخص اولوبلار، ايشاره ائتمك اولار. آما جاليب نوكتة بوردادير كي هر اؤلكه جماعاتين نئجه ياشاماسيني اؤلچمك اوچون بير يوخسوللوق خطي نين تعيين اولماسي داليسي جاندير كي اوندان سونرا او كسلره كي بو حداقلدن بهره آپارا بيلميرلر، كؤمك ائده. بيزيم اؤلكه ده آخيرينجي دفعه كي يوخسوللوق خطي رسمي حالتده اعلام اولدو 1385 ايلينده ايدي كي شهر و كند يوخسوللوق خطي ريفاه ويزاتي طرفيندن اعلام اولدو و اوندان هر جور يوخسوللوق خطي نين اعلام ائله مهسي وزيرلر طرفيندن لغو اولدو.

قاباكي ريفاه وزيري، عبدالرضا مصرى بو دليلي ايرائه وئرماعينان كي يوخسوللوق خطي جماعاتين هئج موشكولون حل ائله مز، چاليشدي يئنه ده يوخسوللوق خطي نين تعيين ائتمه سيندن بويون قاچيردا و وزريلگي نين آخير ايلينده خبرنيگارلارا دئدي كي يوخسوللوق خطي ريفاه ويزارتي طرفيندن تعيين اولوب آما تكجه مربوط مسئوللارا دئييليب. بوننان بئله كي بو ايديعا جيدي سايلمادي آما بو وزيرين موضعينده اولان بو دؤنوش باغيث اولدو يوخسوللوق خطي نين تعيين اولماسينا اومودلر يارانا.

آما صادق محصولي هئج واخت يوخسوللوق خطيندن سؤز دانيشمادي و در حالي كي آخيرينجي خبري جلسه سينده چاليشيردي سوبسيدلرين هدفلي ائله مك قانونون توضيح وئره، اعلام ائله دي چون بيزيم اؤلكه ده شهرده اوتوران و كنده اوتوران وار، يوخسوللوق خطين تعيين ائتمك اولماز. وزيرين بو توضيحي نين بئله تصور ائله مك اولار كي آيري اؤلكه لرين جماعاتي يا خاليص كنده اوتورانديلار يا خاليص شهرده اوتوران.